

【國家社會科學基金重大項目】

何建明

主編

中國地方志
佛道教文獻匯纂

寺觀卷

(7)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

寺觀卷
(7)

 國家圖書館出版社

名山勝記卷之十二

明 恭中山泉慎蒙增選

從孫慎我重較

廣西通誌 桂林府

屏風巖又名程公巖 城東北五里斷山竝立高百
餘丈中有平地可容百人鍾乳倒垂如瓔珞有石穴
通明逗穴而出山川城郭恍然如在壺中范成大建
壺天觀巖曰空明刻銘于石觀後廢弘治間重建壺
天寺

棲霞洞在土星山畔，緣磴而上，入石門，下百步，始坦夷，可坐數十人，高爽明豁，盛夏無炎，歛火冬溫，然石乳凝結，殊形怪狀，不可勝紀。其下復有洞，入半里許，遇大壑，不可進。有路北行，頗僻，而前數步復寬衍，兩旁十餘丈，石乳下垂，如玉簪珠旒，曲折躡攀，始可進。所見益奇，又行食頃，寒泉怪石交映，疊出，遊者錯迂。世傳穴通九疑山洞，中有老君象，舊傳唐明皇所置。宋建炎間，經畧李彌大更曰仙李洞，洞口有亭曰齊雲，久廢。

名山言

靈川縣

卷之十二

十一

廣福巖 縣南二十里又名羅漢洞可坐數百人中有複閣堂殿兩旁石室疊如層龕肖羅漢像前有溪流橋中有乳石形如獅狀爲陽朔巖洞之冠宋邑令周大夫所闢

華巖 縣西南二十里高數仞可容數榻泉繞洞前
又名華巖洞世傳昔有桃花片濶寸許從洞中流出
石壁有詩二絕無名氏○巖前流水無人渡洞口碧
桃花正開東望蓬萊三萬里等閑歸去等閑來○跨
鶴歸來不計年洞中流水綠依然紫簫吹徹無人見
萬里西風月滿天

此是仙詩
決非凡態

慶遠府

南山 城南五里中有巖洞洞有石龍鱗甲宛然因
名龍隱洞洞前有廣化寺龍隱祠又有御書閣貯宋

真宗御書六十軸巖東有余襄公黃太史馮二元三
賢堂春意菴左畔又有白雪巖

礮巖 在全州北一十五里巖上有飛泉噴瀉如練
中有觀音像蓮花臺旁有一穴深邃秉燭可入又名
漱玉巖宋林岳詩○嘗聞仙人渡海術授以尺杖如
飛龍馮虛閉目不敢瞬波濤洶湧喧天風茲巖山窟
非海岸中掃一澗聲何雄瞋行十步水入耳明探萬
壑雲生胸

容縣

都嶠山 在縣南二十里山有八峯曰堦子馬鞍八
疊雲蓋香爐仙人中峰丹竈而八疊奇秀最高有南
北兩洞皆天造地設道書第二十洞天即此南洞寬
坦中列浮屠大像北洞差狹爲星壇凡八中峰絕頂
有室曰中宮院宋蘇軾送邵道士還山○乞得紛紛
擾擾身結茆都嶠與仙鄰

龍潭灣 城西北十里唐時風雨之夜報恩寺鐘來
與潭龍相戰次早鐘有萍藻砂礫存焉

鬱林州

名山已

卷之七

七

隱仙巖 城西二十里有石室壁上題元和十四年來遊寺曾才魯詩○山勢崔嵬不可攀古巖猶在白雲間洞天深透神仙宅石室高懸虎豹關崖壁尚存千古樹藥爐仍煉九還丹世人莫道無形勝筍立江南第一班

北流縣

勾漏山 城東北十五里石峰千百皆矗立特起其岩穴勾曲穿漏山有寶圭洞洞有石室葛洪即此操丹砌以煉焉

名山記

卷之十二

十五

普照巖 山如覆釜登巖却顧則黃坡翠巘與石峰相間其中仙壇佛塔低昂交錯靈幡寶幢獵獵飛動

潯州府

白石山 城南六十里兩峰並下有巖洞即道書第二十一洞天通北流勾漏洞世傳葛洪嘗往來其間峒之上有會仙巖丹竈及八僊石存焉葉原賀○雲梯迎石磴香樹鎮松關林壑疑無路神仙別有山羅叢巖 城西南六十里可容三百人東曰碧虛洞深半里有石佛石獅石鐘石磬西曰靈源洞王清詩○鑿破金鰲背虛明一竅通洞天塵世外樓閣盡

圖中、冰冷猿啼月、山空鶴唳風、閒來足觴詠、不必歎
途窮、

南寧府

牛皮石 在橫州西七里、石如牛皮、上鐫橫州二大
字、相傳仙人所書、

太平府

劉仙巖 在白龍洞之陽、仙人劉仲遠所居也、石室
高寒出半山間、

名山勝記卷之十三

明 赫中山泉慎蒙增選

從孫慎我重較

陝西

澄城縣

洗腸泉 在縣西三里甘泉南百步許俗傳晉高僧
佛圖澄洗腸於此故名

華陰縣

石羊城 在張超谷之西乃黃初平叱石化羊之處
與兄初起俱仙隱于此又名仙谷

雲臺峰 在嶽東北兩峰崢嶸四面陡絕上冠景雲
下通地脉巖然獨秀有若雲臺周武帝時有道士焦
道廣居此峰辟粒食霞帝親詣山庭問道因而谷口
置雲臺觀

焦公巖 在嶽東南真人焦孝龍隱此常食白石後
遭野火燒其庵真人危坐火中火息徐徐而起又于
雪中單衾而卧顏色亦然如盛夏之狀

王刁三洞 在嶽東仙人王遙與友人刁自然俱于
此登仙故以名洞洞有三上洞人莫能到中洞有飛
石遮洞門下洞隱居者多在其中

陳希夷庵 希夷名搏字圖南號扶搖先生唐長興
中舉進士不第因肆意山水後之華山雲臺觀古基
開荆榛而居之名曰希夷菴菴前有睡洞傍有無憂
樹後柴世宗詔見拜諫議大夫不受賜號白雲先生

名山記

卷之三

宋太宗詔見延英以賓禮禮之賜號希夷先生端拱
初命弟子于蓮花峯下鑿石室于張超谷中而化形
焉

壺公石室 在嶽之西北孤峰上可容十餘人費長
房從壺公學道之所東谷中即後魏道士寇謙之筭
場西谷中即修羊公石榻穿峭之所

長春石室 在雲臺山側唐貞觀中道士杜懷謙居
之

渭南縣

倒獸山 一名玄象山在縣東南三十七里十六國
春秋曰西晉王嘉隱於東陽谷鑿崖穴而居弟子傳
業者數百人亦皆穴處召季龍兵亂其徒衆至於長
安潛隱終南山結庵而止門人聞而復隨之乃遷於
倒獸山